

Tillaga að Erindisbréf notendaráðs fatlaðs fólks Dalvíkurbyggðar og Fjallabyggðar

Markmið og forsendur

Notendaráð um málefni fatlaðs fólks er skipaður samkvæmt 2. mgr. 42. gr. laga um félagsþjónustu sveitarfélaga nr. 40/1991, sbr. 10. gr. laga nr. 37/2018. Notendaráð um málefni fatlaðs fólks (samráðshópur) er formlegur samráðsveitvangur þar sem fjallað er um þjónustu við fatlað fólk og framkvæmd og þróun þjónustunnar. Notendaráðið er umsagnaraðili vegna umsókna um starfsleyfi þjónustu- og rekstraraðila sem hyggja á starfsemi sem hefur þann megin tilgang að veita fötluðu fólki sértæka aðstoð eða þjónustu.

Eigi tvö eða fleiri sveitarfélög samstarf um þjónustu við fatlað fólk skulu viðkomandi sveitarfélög og hagsmunasamtök fatlaðs fólks á þjónustuvæðinu koma sér saman um samsetningu hópsins. Samkomulag er um að Dalvíkurbyggð skipi fjóra fulltrúa, tvo fulltrúa kjörinn af bæjarstjórn Dalvíkurbyggðar tvo úr röðum fatlaðs og jafn marga til vara. Fjallabyggð skipar fjóra fulltrúa, tvo fulltrúa kjörinn af bæjarstjórn Fjallabyggðar tvo úr röðum fatlaðs og jafn marga til vara.

Hlutverk og helstu verkefni

- Að vera bæjarstjórn, nefndum og ráðum Dalvíkurbyggðar og Fjallabyggðar til ráðgjafar um málefni fatlaðs fólks.
- Að fylgjast með stefnumótun og þróun hugmyndafræði er varðar þjónustu við fatlað fólk og gera tillögur að breytingum á þjónustu sveitarfélagsins.
- Að hafa samráð við þjónustuþega, hagsmunaaðila og íbúa í sveitarfélaginu um málefni fatlaðs fólks.

Skipan notendaráðs

Á fundi bæjarstjórnar Dalvíkurbyggðar, þann 18. Júní 2019 var samþykkt að skipa fjóra fulltrúa í notendaráðið og þar ef eru tveir fulltrúar tilnefndir úr röðum fatlaðs fólks. Á fundi bæjarstjórnar Fjallabyggðar, í janúar 2020 var samþykkt að skipa fjóra fulltrúa í notendaráðið og þar af eru tveir fulltrúar tilnefndir úr röðum fatlaðs fólks.

Verklag:

Notendaráðið skal að jafnaði funda þrisvar sinnum á ári og oftast ef þörf krefur. Á fundum ráðsins skulu ritaðar fundargerðir, þar sem fram koma helstu ákvarðanir, verkefni sem unnin skulu á milli funda og annað það sem máli skiptir fyrir störf ráðsins.

Á fyrsta fundi ráðsins skal fara fram kosning formanns og varaformanns.

Ráð og nefndir Dalvíkurbyggðar og Fjallabyggðar skulu leita umsagnar notendaráðsins um mál sem varða sérstaklega hagsmuni fatlaðra íbúa í sveitarfélögunum.

Notendaráðið getur einnig tekið mál upp að eigin frumkvæði og sent ályktanir eða erindi til viðkomandi ráðs eða nefndar. Notendaráðið getur kallað til þá starfsmenn sveitarfélaganna eða sérfræðinga sem það telur nauðsynlegt hverju sinni. Áður en lagt er út í kostnað við kaup á þjónustu sérfræðings skal kostnaðarmat lagt fyrir bæjarstjórnir sveitarfélaganna til samþykktar.

Fundargerðir skulu lagðar fram í bæjarstjórnir og félagsmálaráð og félagsmálanefnd.

Fulltrúar í notendaráðinu fá greidda þóknun fyrir fundarsetu, samkvæmt samþykktum bæjarstjórnanna um laun fyrir störf í bæjarstjórn Dalvíkurbyggðar og Fjallabyggðar, nefndum og ráðum á vegum bæjarstjórnanna.

Starfsmenn

Félagsmálastjóri Dalvíkurbyggðar og deildarstjóri fjölskyldudeildar Fjallabyggðar eða starfsmenn tilnefndir af þeim sitja fundi notendaráðsins með málfrælsi og tillögurétt. Starfsmenn félagsþjónustu Dalvíkurbyggðar og félagsþjónustu Fjallabyggðar sjá um fundarboðun í samráði við formann, fundarritun og eftirfylgni mála.

Starfstími

Starfstími notendaráðsins er sami og kjörtímabil bæjarstjórnar.

Samþykkt í félagsmálaráði Dalvíkurbyggðar þann 21.04.2020

Samþykkt í sveitarstjórn Dalvíkurbyggðar þann 16.06.2020